



**Ministry of Civil Affairs**

**Broj:** 14-16-3-9-9/24

**Sarajevo,** 19. 6. 2024. godine

Na osnovu člana 100. stav (3) Zakona o javnim nabavkama ("Službeni glasnik BiH", br 39/14 i 52/22) u postupku razmatranja žalbe ponuđača „R&S“ d.o.o. Sarajevo, izjavljene na Odluku o izboru najpovoljnijeg ponuđača broj: 14-16-3-9-8/24 od 3. 6. 2024. godine u postupku nabavke "Kancelarijski materijal i papir za štampanje", ministrica civilnih poslova Bosne i Hercegovine  
d o n o s i

**O D L U K U**

1. **Usvaja se u cjelosti žalba** ponuđača „R&S d.o.o. Sarajevo, izjavljena na Odluku o izboru najpovoljnijeg ponuđača broj: 14-16-3-9-8/24 od 3. 6. 2024. godine, kojom je za najpovoljnijeg ponuđača izabran ponuđač AERO EXCLUSIVE d.o.o Sarajevo, u konkurentskom postupku javne nabavke "Kancelarijski materijal i papir za štampanje" u iznosu od 46.346,40 bez PDV-a, objavljenom na portalu javnih nabavki broj:121-7-1-45-3-38/24 od 24.04.2024. godine, 121-7-1-45-8-41/24 od 7.5.2024. godine i 121-7-1-45-8-43/24 od 10.05.2024. godine.
2. **Stavlja se van snage** Odluka o izboru najpovoljnijeg ponuđača broj:14-16-3-9-8/24 od 3. 6. 2024. godine.
3. Odluka o izboru najpovoljnijeg ponuđača donijet će se po konačnosti ove Odluke, ponovnim zakazivanjem e-aukcije u sistemu Agencije za javne nabavke Bosne i Hercegovine, u skladu sa dostavljenom listom kvalifikovanih ponuđača, shodno članu 64. stav (1) tačka b) Zakona o javnim nabavkama.

**O b r a z l o ž e n j e**

Ugovorni organ pokrenuo je konkurentski postupak za javnu nabavku kancelarijskog materijala i papira za štampanje u skladu sa članom 18. Zakona o javnim nabavkama, donošenjem Odluke o pokretanju postupka javne nabavke broj: 14-16-3-9-1/24 od 14. 4. 2024. godine.

Konkurentski postupak objavljen je na web portalu Agencije za javne nabavke broj:121-7-1-45-3-38/24 od 24. 4. 2024. godine, te ispravke Obavještenja broj:121-7-1-45-8-41/24 od 7. 5. 2024. godine i broj:121-7-1-45-8-43/24 od 10. 5. 2024. godine i Službenom glasniku BiH br. 32 od 10. 5. 2024. i 36 od 24. 5. 2024. godine.

Komisija za javne nabavke (u daljem tekstu: Komisija) izvršila je evaluaciju dostavljenih ponuda te dala preporuku da se zakaže e-aukcija u sistemu javnih nabavki Agencije za javne nabavke BiH, za kvalifikovane ponuđače.

Nakon provedene e-aukcije, utvrđena je konačna rang lista ponuđača te je Komisija dala Ugovornom organu preporuku za donošenje Odluke o izboru najpovoljnijeg ponuđača aktom broj 14-16-3-9-8/24 od 3. 6. 2024. godine.

Na osnovu navedene preporuke Komisije, Ugovorni organ je donio Odluku o izboru najpovoljnijeg ponuđača na koju je ponuđač R&S d.o.o. izjavio žalbu, koja je zaprimljena na adresi Ugovornog organa dana 17. 6. 2024. godine.

Žalitelj u izjavljenoj žalbi izjavljuje sljedeće:

Ponuda žalioca je odbijena iz razloga što, prema obrazloženju „*nije dostavljena deklaracija, odnosno certifikat ili druga dokumenta proizvođača olovaka o tehničkim*

vrijednostima olovaka za stavku broj 103, a koji dokumenti su traženi tačkom 2.4.2. b) konkurentskog zahtjeva. Iz navedenog razloga nije bilo moguće utvrditi da li stavka broj 103 ima tehničke specifikacije tražene Aneksom 10 konkurentskog zahtjeva“.

Žalilac navodi da ponuda nije mogla biti odbačena iz navedenih razloga jer je u Ponudi Žalioca dostavljena deklaracija proizvoda za stavku broj 103 i to na samom uzorku za stavku broj 103, a iz koje je jasno vidljivo da dostavljeni uzorak odgovara postavljenim tehničkim specifikacijama iz tenderske dokumentacije za ovu stavku. Žalilac dostavlja fotografije kao dokaz.

Postupajući u skladu sa članom 100. Zakona o javnim nabavkama Ugovorni Organ ocijenio je da je žalba blagovremena, dopuštena i izjavljena od strane ovlaštenog lica i lica koji ima aktivnu legitimaciju.

Nakon razmatranja žalbenih navoda, Komisija je izvršila je ponovni pregled dostavljene ponude ponuđača „R&S“ d.o.o. Sarajevo.

Naime, prilikom prvobitnog razmatranja navedene ponude, Komisija je ustanovila da ponuđač u svojoj ponudi nije dostavio certifikat, potvrdu ili deklaraciju proizvođača, jedino za uzorak broj 103, te samim tim nije postojao dokaz o traženim kriterijumima za navedeni uzorak. Prilikom ponovnog razmatranja ponude, Komisija je ustanovila da se deklaracija proizvođača nalazi zalijepljena na samom uzorku, a što je prilikom prvobitnog pregleda bilo teško uočiti, obzirom da je navedena deklaracija bila prekrivena naljepnicom sa pečatom ponuđača.

Shodno navedenom, ponovnim razmatranjem navedene ponude, ustanovljeno je da je deklaracija gore pomenutog uzorka dostavljena, da ponuda ponuđača „R&S“ d.o.o. Sarajevo, ispunjava kriterijume za kvalifikaciju, obzirom da je iz naknadno uočene deklaracije proizvođača evidentno da uzorak ima tehničke specifikacije tražene Aneksom 10 Konkurentskog zahtjeva, te je samim tim žalba ponuđača R&S d.o.o. Sarajevo u cjelosti osnovana.

Imajući u vidu navedeno, na preporuku Komisije, shodno članu 100. stav (3) Zakona o javnim nabavkama, Odluka o izboru najpovoljnijeg ponuđača broj: 14-16-3-9-8/24 od 3. 6. 2024. godine, stavlja se van snage.

Kako je tenderskom dokumentacijom predviđeno provođenje e-aukcije Komisija je pripremila početnu rang listu ponuđača za provođenje ponovnog postupka e-aukcije u sistemu javnih nabavki Agencije za javne nabavke BiH, kako slijedi:

1. AERO EXCLUSIVE d.o.o. Sarajevo sa ponudom u iznosu 46.346,00 KM
2. ELKOM d.o.o. Vitez sa ponudom u iznosu od 46.645,92 KM
3. R&S d.o.o. Sarajevo sa ponudom u iznosu od 46.332,11 KM

Slijedom navedenog, riješeno je kao u izreci ove odluke.

### **Pouka o pravnom lijeku**

U skladu sa članom 100. stav (4) protiv ove Odluke može se u roku od pet dana od dana prijema izjaviti žalba Kancelariji za razmatranje žalbi putem Ugovornog organa koji je donio Odluku.

### **Dostavljeno:**

1. EXCLUSIVE d.o.o Sarajevo
2. ELKOM d.o.o. Vitez
3. R&S d.o.o. Sarajevo

MINISTRICA  
dr. sc. Dušanka Bošnjak

